

loro furia; con altre parole che 'l Serenissimo li disse di ordine del Collegio. El qual orator domino Bartolomeo Gualteroti dottor, vestito di veludo cremexin, disse spazeria lettere di questo hozi a li soi signori, et comunicoe nove vechie del campo.

Et come ha di Fiorenza che madama Margarita mandava et zà havia inviati do oratori in Anglia a quel Re per tratar paxe etc., et volevano far trieve con la Fiandra acciò le merchadantie occoresses. Hor in conclusion, lui orator disse scriveria hozi in bona forma, et li pareva si havesse raxon.

Veneno alcuni a offerir l'imprestado, fra li quali sier Carlo Morexini procurator ducati 100, uno Arcudi mercadante ducati 500, et alcuni altri, et trovano da zerca

Fu proposto di far hozi un Proveditor et vice-capitanio a Verona con pena et ducati 140 al mexe per spexe, et fo leta la parte.

Da Vicenza, di sier Zuan Antonio da chà Taiapiera capitanio, di 30, hore 3. Come le motione alemane multiplicano, et di più mi riporta questa sera uno venuto da Trento, che 8 bandiere di fanti sono stà expedite verso la roca di Anfo, a qual efecto non si ha inteso. Scrive, questa sera è zonto quì il forero di domino Baldisera Azal, qual dice la compagnia esser tra Montagnana et questo territorio, et caminano in diligentia, et dimane saranno qui, et sono fanti 500, benchè l'ordine datoli sia *solum* di 400, dicendo haverne lassato de li preparati altri 200, quali volendo la Signoria tuorli sariano qui fra 3 over 4 zorni, bisognando.

222 Da poi disnar fo Pregadi, et fo leto le soprascritte lettere.

Da poi fo chiamà quelli mancava l'ultimo Pregadi a venir a offerir di prestar, et sier Jacomo Corner qu. sier Zorzi el cavalier procurator offerse per lui et per sier Zuane suo fradello ducati 2000. *Item*, sier Antonio Venier qu. sier Marin procurator ducati 200 et donoe il don. Sier Piero Trun tolse rispetto, et altri prestono, sì che fo trovà 4575, et l'ultimo fu sier Zuan Antonio Dandolo qual vien in Pregadi per esser sora le cose de le aque, et senza esser chiamato offerse ducati 50, et cussì ultimo di tutti fo publicà.

Fu posto, per li Savii, una lettera a sier Antonio Surian dotor et cavalier orator a Fiorenza, in risposta di soe, che vogli sollicitar quelli Signori vogli in tanto bisogno come collegadi nostri aiutar questo Stado a obstar al numero grande di lanzinech vieneno in Italia, il che sarà il mantenimento di quella Republica; per tanto si voglino resolver

in voler pagar li lanzinech manda in Italia il re Christianissimo con altre parole. Fu presa.

Fu posto, per li Savi, essendo morto a Treviso il strenuo Bartolomeo Avogaro, qual era a quella custodia con fanti 100, si mandi Alexandro da Colorno provisionato nostro, fo fiol di Zanno da Colorno con il stipendio consueto, et fu presa. Ave: . . . et il zorno seguente fo expedito.

Fu posto, per li ditti, condur a nostri stipendi uno Zuan Jacomo con sgizari 700, et uno capitanio Sichardo con grisoni 300. Et fu presa.

Fu posto, per li ditti, essendo sier Daniel Barbaro capitanio di Verona, per la importantia di quella città sia *de praesenti* electo per scurtinio di questo Conseio con pena uno Proveditor zeneral di Verona et del territorio et vicecapitanio in Verona, vadi con cavalli 10 et do stafieri, meni uno secretario et il suo fameio, habbi per spese ducati 140 al mexe a soldi 124, et l'utilità et salario havia il capitanio Troto resti in la Signoria, et parti *immediate*. Ave 132 questa.

Et sier Hironimo da chà da Pexaro savio del Conseio vol si fazi senza pena. Ave: 31, 1, 1.

Scurtinio di Proveditor et vice capitanio a Verona con pena, iusta la parte.

Sier Alvise Barbaro fo Cao del Conseio di X, qu. sier Zacaria cavalier procurator 86. 82

Sier Francesco Pasqualigo fo capitanio di le galie di Alexandria, qu. sier Vetor 64.105

Sier Hironimo da chà da Pexaro savio del Conseio, qu. sier Beneto procurator 69. 92

Sier Polo Valaresso fo podestà a Bergamo, qu. sier Gabriel . . . 41.122

† Sier Piero Nani fo podestà a Verona, qu. sier Zorzi 112. 50

Sier Sigismondo di Cavalli fo proveditor in campo, qu. sier Nicolò. 59.109

non Sier Lunardo Emo savio del Conseio, qu. sier Zuane el cavalier, si caza col Podestà.

non Sier Zuan Emo podestà a Verona, qu. sier Zorzi procurator.

El qual sier Polo chiamato al Serenissimo, tolse rispetto a da matina.